

- Skilyrði efnislegrar meðferðar
- Frávísun

Úrskurður nr. 6/1997

**Tollstjóri óskaði eftir álit ríkistollanefndar varðandi tollflokkun á spónaplötum sem A ehf. hafði flutt inn um árabíl og tollflokkað á ákveðinn hátt en tollstjóri var ekki sammála. Ríkistollanefnd vísaði málinu frá, þar sem engin formleg ákvörðun tollstjóra lá fyrir.**

Lög nr. 55/1987, 35. gr., 100. gr., 101. gr., 142. gr.

Með bréfi, dags. 21. mars 1997, fer tollstjóri fram á það við ríkistollanefnd að hún láti í ljós álit á ágreiningi um tollflokkun á spónaplötum sem fyrirtækið A ehf. hafði flutt inn um árabíl og tollflokkað að sögn í tollflokk 4410.1102, en tollstjóri taldi að tollflokka bæri í 4410.1101.

Til svars erindinu tekur ríkistollanefnd fram að í 101. gr., er fjallað um það hvaða skilyrði mál þarf að uppfylla til að ríkistollanefnd taki það til efnislegrar meðferðar. Þar segir: „Innflytjandi getur skotið endurákvörðun ríkistollstjóra skv. 35. gr., úrskurði tollstjóra skv. 100. gr. og ákvörðun tollstjóra skv. 142. gr. til ríkistollanefndar innan 60 daga, talið frá póstlagningu úrskurðar eða ákvörðunar. Ríkistollstjóri getur skotið úrskurði tollstjóra skv. 100. gr. og ákvörðun tollstjóra skv. 142. gr. til ríkistollanefndar innan sama frests og greindur er í 1. mgr. Kærur skulu vera skriflegar og studdar nauðsynlegum gögnum. Vanreifun varðar frávísun.“

Eins og fram kemur í tilvitnuðum lagatexta eru skilyrði þess að ríkistollanefnd fjalli efnislega um mál að tollstjóri eða ríkistollstjóri hafi fjallað formlega um málið áður. Með öðrum orðum, úrskurði, ákvörðun eða álit tollstjóra eða endurákvörðun ríkistollstjóra má skjóta til ríkistollanefndar sem æðra úrskurðaraðila á tilteknu sviði. Úrskurði tollstjóra skv. 100. gr. eða bindandi álit um tollflokkun skv. 142. gr., sem hann gefur, getur innflytjandi eða ríkistollstjóri kært til nefndarinnar. Hins vegar hefur viðkomandi tollstjóri aldrei kærheimild til ríkistollanefndar.

Engin formleg ákvörðun tollstjóra liggur fyrir í máli þessu, enda er það kæruefni innflytjanda. Þegar af þessari ástæðu vísar ríkistollanefnd máli þessu frá.

Ríkistollanefnd kveður upp svofelldan úrskurð:

Með vísan til 101. gr. tollalaga nr. 55/1987 með síðari breytingum er máli þessu vísað frá